

Stichting Epilepsie Aruba cu anochi informativo

Ta importante pa tur hende ta riba e mesun liña ora di un atake di epilepsia



ORANJESTAD- Stichting Epilepsie Aruba cu tin como meta pa duna informacion riba tereno di epilepsia, lo tene un anochi informativo na docentenan y mayornan di e alumnonan di Kleuterschool NOS PARAISO na Paradera y

pueblo en general diamars 15 di februari 2011 pa 7 or di anochi.

Durante e ocasion aki lo hiba palabra Sra. Maryla Solognier cu den bida diario ta traha como verpleegkundige na Wit Gele Kruis. E lo splica ki tipo di epilepsia muchanan chikito por haya y kico scol y despues mayornan mester haci. Cu ayudo di un video Sra. Solognier lo duna informacion necesario.

Esaki ta hopi importante pasobra hopi biaha ta sosode cu un mucha ta haya un atake di epilepsia mientras e maestronan pa falta di informacion riba e tereno aki no ta ripara cu tal cos a tuma luga cu consecuencia cu e mucha no ta haya e ayudo

necesario of no na tempo.

Tambe ta asina cu epilepsia por manifesta su mes den diferente manera. Hopi biaha nos ta pensa cu epilepsia ta sosode solamente ora un hende cay y cuminsa bati pero tin mas forma cu e malesa aki ta expresa su mes.

Epilepsia ta un realidad di bida na tur pais na mundo, pues na Aruba tambe y nos no mester sconde pe. Nos mester sa ora e bati na porta kico pa haci y no bay den panico. P'esey ta hopi importante pa tur mayor cu tin mucha na scol, presencia e anochi informativo aki. Entrada ta gratis y lo tin snacks y refresco.

Pa mas informacion por yama Robert Nieuw na 593 5562 of Joe Maduro na 730 2011. Tur hende ta bon bini!